

# Scéim Spás Oibre na nAmharc-ealaíontóirí, 2021

## Treoirlínte d'Iarratasóirí

Spriocdháta: 5.30 pm, Déardaoin, 2 Iúil 2020

### CLÁR

<b>Seicliosta don iarratas</b>	<b>2</b>
<b>Cabhair a fháil maidir le d'iarratas</b>	<b>3</b>
<b>1. Maidir le Scéim Spás Oibre na nAmharc-ealaíontóirí</b>	<b>4</b>
1.1 Cuspóirí na scéime	4
1.2 Cé atá i dteideal iarratas a dhéanamh?	4
1.3 Cé hé an t-iarratasóir?	5
1.4 Cé nach bhfuil i dteideal iarratas a dhéanamh?	5
1.5 Cad ar ar féidir leat iarratas a dhéanamh?	5
1.6 Céard nach féidir leat iarratas a dhéanamh air?	6
1.7 Cén t-ábhar tacaíochta nach mór duit a chur isteach le d'iarratas?	6
1.8 Incháilitheacht	7
<b>2. D'iarratas a dhéanamh</b>	<b>9</b>
2.1 Cláraigh le Seirbhísí ar Líne na Comhairle Ealaíon	9
2.2 Líon isteach an fhoirm iarratais	10
2.3 Ullmhaigh aon ábhar tacaíochta atá riachtanach don iarratas	11
2.4 D'iarratas a dhéanamh ar líne	12
<b>3. Próiseáil agus measúnú na n-iarratas</b>	<b>14</b>
3.1 Forbhreathnú	14
3.2 An próiseas measúnaithe	14
3.3 Critéir chun iarratais a mheasúnú	14
3.4 Próiseas scórála	15
3.5 Toradh na n-iarratas	16

## Seicliosta don iarratas

Úsáid na seicliostaí thíos chun a chinntiú go bhfuil d'iarratas comhlánaithe go hiomlán.

### Nithe riachtanacha do gach iarratas (cuir tic le gach uile cheann acu seo)

- Tá gach cuid den fhoirm iarratais a bhaineann le m'iarratas comhlánaithe agam/againn.
- Tá gach ábhar tacaíochta atá riachtanach ullmhaithe agam/againn (mar a shonraítear i gcuid 1.7 thíos), agus tá siad sin réidh le huaslódáil agam/againn.

### Míreanna atá éigeantach i gcás iarratais áirithe (cuir tic leo siúd a bhaineann le d'iarratas)

- Baineann mo thogra/ár dtogra le hobair atá dírithe ar leanaí agus/nó ar dhaoine óga 17 mbliana d'aois nó níos óige a bheith rannpháirteach ann. Tuigim/tuigimid má éiríonn leis an iarratas go mbeidh orm/orainn, mar choinníoll maoiniúcháin, a dheimhniú agus a léiriú go bhfuil beartais agus nósanna imeachta oiriúnacha um chosaint leanaí i bhfeidhm agam/againn. (Tá tuilleadh eolais ar [www.tusla.ie](http://www.tusla.ie).)
- Tá obair le daoine soghonta i gceist le mo thogra/ár dtogra, agus tá admháil go gcloítear leis an mbeartas agus na nósanna imeachta náisiúnta um chosaint daoine soghonta atá i mbaol mí-úsáide atá ar fáil ar [anseo](http://anseo) ("Safeguarding Vulnerable Persons at Risk of Abuse – National Policy and Procedures") curtha isteach agam.
- Tá obair le hainmhithe i gceist mar chuid de mo thogra/ár dtogra, agus tá cóip den cháipéis *Beartais agus Nósanna Imeachta um Chosaint agus Leas Ainmhithe* de mo chuidse nó de chuid m'eagraíochta curtha isteach agam/againn.

### Míreanna eile atá ábhartha maidir le m'iarratas, dar liom (cuir tic leo siúd a bhaineann le d'iarratas)

- Braitheann mo thogra/ár dtogra ar shaineolas daoine nó eagraíochtaí ainmnithe eile, agus tá cáipéis ina sonraítear na daoine sin agus a gcuid saineolais réidh le huaslódáil agam/againn.
- Áirítear le mo thogra/ár dtogra ábhar eile atá ábhartha maidir le m'iarratas/lenár n-iarratas agus atá réidh le huaslódáil agam/againn.

### An dara tuairim (cuir tic leis an mír seo)

- D'iarr mé/muid ar dhuine éigin eile an t-iarratas a sheiceáil chun a chinntiú nach bhfuil aon earráidí ann agus nach bhfuil aon rud ar iarraidh.

## Cabhair a fháil maidir le d'iarratas

---

- Déanann an Chomhairle Ealaíon gach iarracht freastal réasúnta a dhéanamh ar dhaoine atá faoi mhíchumas ar mian leo iarratas a chur isteach nó a bhfuil deacrachtaí acu teacht ar Sheirbhísí ar Líne. Má tá riachtanas agat sa réimse sin, téigh i dteagmháil le hOifigeach Rochtana na Comhairle Ealaíon, Adrienne Martin, ar an nguthán (01 6180219) nó ar ríomhphost ([adrienne.martin@artscouncil.ie](mailto:adrienne.martin@artscouncil.ie)) **trí seachtaine ar a laghad roimh** an spríodhata.
- Má tá ceist theicniúil agat faoi shuíomh gréasáin na Seirbhísí ar Líne a úsáid, is féidir leat ríomhphost a sheoladh chuig [onlineservices@artscouncil.ie](mailto:onlineservices@artscouncil.ie)
- Tá freagraí ar cheisteanna coitianta maidir leis na Seirbhísí ar Líne a úsáid ar fáil i rannán na gCeisteanna Coitianta ar shuíomh gréasáin na Comhairle Ealaíon ag: <http://www.artscouncil.ie/ga/Teigh-i-dteagmhail-linn/FAQS/Seirbhisi-ar-line/Seirbhisi-ar-line/>
- Téigh chuig an nasc seo a leanas chun féachaint ar ár dtreoir ar YouTube maidir le hiarratas a dhéanamh: <http://www.youtube.com/artscouncildemos>
- Má tá cabhair uait maidir leis an méid atá i d'iarratas, is féidir leat dul i dteagmháil leis an gComhairle Ealaíon ag 01 6180200 nó ar an ríomhphost ag [awards@artscouncil.ie](mailto:awards@artscouncil.ie)

## 1. Maidir le Scéim Spás Oibre na nAmharc-ealaíontóirí

---

### 1.1 Cuspóirí na scéime

#### Cuspóirí

Tá sé d'aidhm ag Scéim Spás Oibre na nAmharc-ealaíontóirí tacaíocht a thabhairt do spásanna oibre ealaíontóirí ar fud na tíre chun an timpeallacht oibre is fearr agus is féidir a sholáthar d'amharc-ealaíontóirí agus, nuair is indéanta, leibhéal fóirdheontais a chumasú do na healaíontóirí a oibríonn sna spásanna sin.

---

**Sainmhíniú ar spás oibre na n-amharc-ealaíontóirí atá i dteideal iarratas a dhéanamh ar thacaíocht faoin scéim seo**

#### Spás oibre na n-amharc-ealaíontóirí:

Spás oibre a fhreastalaíonn ar cheathrar amharc-ealaíontóirí gairmiúla ar a laghad a oibríonn ar an láthair.

---

Luíonn an straitéis seo le straitéis deich mbliana na Comhairle Ealaíon (2016–25), *Saothar Ealaíne Iontach a Tháirgeadh: Forbairt na nEalaíon in Éirinn a Threorú* (féach anseo: <http://www.artscouncil.ie/ga/straiteis-na-comhairle-ealaion/>) straitéis atá tiomanta do chinntiú 'go gcuirtear timpeallacht thacúil oibre ar fáil a théann i ngleic le príomhphointí sa timthriall chruthaitheach trína ndéantar ealaín'.

### 1.2 Cé atá i dteideal iarratas a dhéanamh?

Tá fáilte roimh iarratais ó na spásanna oibre seo a leanas:

- Spásanna oibre atá tiomanta do thacaíocht a thabhairt d'amharc-ealaíontóirí.
- Spásanna oibre a fhreastalaíonn ar cheathrar amharc-ealaíontóirí gairmiúla **ar a laghad** a oibríonn ar an láthair.
- Spásanna oibre a bhfuil sé beartaithe acu acmhainní a roinnt chun tairbhe na n-amharc-ealaíontóirí a oibríonn ann
- Spásanna oibre a chuir isteach ar Mhaoiniú Deontais do na hEalaíona, 2021 nó a bhfuil sé ar intinn acu cur isteach ar Mhaoiniú Tionscadail 2021 le haghaidh a ngníomhaíochtaí poiblí (e.g. clárú taispeántas, léiriúchán, etc.) agus NÍ LE HAGHAIDH TACAÍOCHTA DON STIÚIDEO
- Spásanna oibre nach gcuirfidh isteach ar thacaíocht stiúideo trí Mhaoiniú Straitéiseach na Comhairle Ealaíon, 2021.
- De réir Dhualgas na hEarnála Poiblí um Chomhionannas agus Cearta an Duine, tá an Chomhairle Ealaíon tiomanta do chinntiú go dtugtar faoi bhearta beartais dhearfaigh chun comhionannas deiseanna a chur chun cinn do gach duine a chónaíonn in Éirinn, beag beann ar inscne, gnéaschlaonadh, stádas sibhialta nó teaghlaigh, creideamh, aois, míchumas, cine nó duine den Lucht Taistil. Ina theannta sin, tarraingíonn an Chomhairle Ealaíon aird ar an gcúlra socheacnamaíoch mar fhoras eile ina gcaithfear comhionannais deiseanna a chinntiú. Dá bhrí sin, cuireann an Chomhairle Ealaíon fáilte roimh iarratais ó

gach cuid de shochaí na hÉireann, na tréithe thuasluaite ina measc ach nach bhfuil teoranta dóibh.

Ní mór go mbeadh na spásanna oibre lonnaithe i bPoblacht na hÉireann.

### 1.3 Cé hé an t-iarratasóir?

Is ionann an t-iarratasóir agus an spás oibre a gheobhaidh aon deontas a thairgfear agus a bheidh freagrach as glacadh le téarmaí agus coinníollacha an deontais sin.

Ní íocfar aon deontas a thairgfear ach isteach i gcuntas bainc atá á shealbhú in ainm an iarratasóra.

Ní mór go mbeadh na cáipéisí go léir a chuirfear ar fáil in ainm an ensemble nó an ghrúpa atá i mbun iarratais – e.g. má dhéanann tú iarratas leis an gComhairle Ealaíon ar mhaoiniú faoin ainm STIÚIDEO SAMPLACH, ní mór go mbeadh gach cáipéis, lena n-áirítear sonraí bainc agus sonraí cánach, san ainm sin. Ní ghlacfar le leaganacha malartacha amhail COMHARGHNÓ EALAÍON SAMPLACH.

### 1.4 Cé nach bhfuil i dteideal iarratas a dhéanamh?

Áirítear na daoine seo a leanas leo siúd nach bhfuil i dteideal iarratas a dhéanamh:

- Ealaíontóirí aonair
- Spásanna oibre a chuirfidh isteach ar thacaíocht stiúideo trí Mhaoiniú Straitéiseach na Comhairle Ealaíon, 2021
- Spásanna oibre a rinne iarratas ar Mhaoiniú Deontais do na hEalaíona, 2021 le haghaidh tacaíocht stiúideo
- Spásanna oibre ina n-oibríonn níos lú ná ceathrar amharc-ealaíontóirí ar an láthair
- Grúpaí/comharghnónna nach bhfuil spás oibre bunaithe acu cheana féin.

### 1.5 Cad ar ar féidir leat iarratas a dhéanamh?

**Is é an t-uasmhéid a dhámhtar as gach iarratas rathúil:**

**€40,000**

Dámhfar deontas suas le €40,000 faoin scéim i dtreo príomhchostas – i.e. costais reatha an spáis oibre amhail solas, teas, cíos, costais riaracháin agus/nó costais oiriúnacha bhainistíochta.

**Tabhair faoi deara:** ní thabharfar deontas chomh mór sin ach i gcúinsí eisceachtúla amháin.

Féadfar cion den tacaíocht suas go dtí 20% ar a mhéad den iarraidh iomlán a chur i dtreo deisiúcháin agus cothabháil riachtanach.

Ní mór buiséad mionsonraithe ina leagtar amach an t-ioncam agus an caiteachas uile a bhaineann leis an iarratas a chur le hiarratais a dhéantar ar Scéim Spás Oibre na nAmharc-ealaíontóirí.

- **Caiteachas iomlán:** ní mór na príomhchostais a bhaineann leis an spás oibre a reáchtáil a chur san áireamh anseo (ní féidir na costais a thacaíonn le gníomhaíochtaí poiblí a chur san áireamh anseo – e.g. taispeántais, léiriúcháin, etc.)
- **Ioncam iomlán:** ní mór an t-ioncam iomlán a bhaineann leis an spás oibre a chur san áireamh anseo agus ní mór aon ioncam a fhaightear ón gComhairle Ealaíon, ó mhaoinitheoirí eile, ó tháillí cíosa na n-ealaíontóirí, ó urraíocht, ó thiomsú airgid agus aon ioncam tráchtála eile a chur san áireamh.

Is tábhachtach freisin gach tacaíocht chomhchineáil a léiriú san ioncam agus sa chaiteachas araon chun fíorluach agus luach iomlán do thogra a chur in iúl.

---

**Nóta maidir le pá ealaíontóirí** Tá an Chomhairle Ealaíon tiomanta do phá agus coinníollacha ealaíontóirí a fheabhsú. D'fhoilsíomar beartas maidir le luach saothair agus conraitheoireacht chóir chothrom ealaíontóirí. Tá sé tábhachtach go léann tú an beartas sin sula ndéanann tú d'iarratas. Iarrfar ort, mar chuid den phróiseas iarratais, an chaoi a gcinnteoidh tú pá cóir agus coinníollacha cearta do na healaíontóirí a oibríonn leat a leagan amach. Cabhróidh sé seo linn indéantacht d'iarratais a mheas.

---

**Nóta i dtaobh tacaíocht chomhchineáil** Má tá tú ag súil le tacaíocht chomhchineáil a fháil, is gá duit luach airgeadais a chur uirthi ionas go mbeidh an ranníocaíocht a dhéanann sí le fíorluach do thogra soiléir. Ba cheart duit caitheamh le tacaíocht chomhchineáil mar chaiteachas agus mar ioncam araon: pé méid a dhearbhaíonn tú ar thaobh an chaiteachais, ba cheart duit é a dhearbhu freisin ar thaobh an ioncaim. Ní féidir am a thugann na riarthóirí nó comhaltaí coiste/boird/na healaíontóirí a áireamh mar chostas comhchineáil.

---

Breathnóidh an Chomhairle Ealaíon ar chostais bhreise má bhaineann siad go sainiúil le saothar ealaíne le healaíontóirí faoi mhíchumas. Más mian leat cur isteach ar mhaoiniú breise ar an mbonn sin, ba cheart duit faisnéis a chur ar fáil le d'iarratas ag sonrú na gcostas breise sin.

Glacfaidh an duine atá i mbun an iarratais freagracht fhoriomlán as bainistiú na gcistí don spás oibre.

## 1.6 Céard nach féidir leat iarratas a dhéanamh air?

I measc na ngníomhaíochtaí agus na gcostas **nach** féidir leat cur isteach orthu, tá siad seo a leanas:

- Ní féidir iarratas a dhéanamh ar mhórchostais chaipitil faoin scéim maoinithe seo (e.g. obair thógála, trealamh ollmhór a cheannach, etc.)
- Ní féidir iarratas a dhéanamh ar mhaoiniú le haghaidh gníomhaíochtaí poiblí (e.g. taispeántais, léiriúcháin, etc.) faoin scéim maoinithe seo
- Ní féidir iarratas a dhéanamh ar phríomhchostais d'áiseanna nach mbaineann leis an spás oibre go díreach (e.g. costais leictreachais nó costais téimh do dhánlann) faoin scéim maoinithe seo
- Ní féidir iarratas a dhéanamh ar mhaoiniú faoin scéim seo le haghaidh gníomhaíochtaí a bhí ar siúl cheana féin nó a gcuirfear tús leo sula ndéanfar cinneadh faoi d'iarratas
- Ní féidir iarratas a dhéanamh ar mhaoiniú faoin scéim maoinithe seo le haghaidh gníomhaíochtaí a ndearna an Chomhairle Ealaíon measúnú orthu cheana féin. Déanfar eisceacht má mhol an Chomhairle duit go sainiúil d'iarratas a atreorú chuig an scéim seo. Cuimhnigh, áfach, nach ionann a leithéid de chomhairle agus léiriú go n-éireoidh leis an iarratas.
- Ní féidir iarratas a dhéanamh ar shuim atá níos mó ná €40,000 faoin scéim maoinithe seo.

## 1.7 Cén t-ábhar tacaíochta nach mór duit a chur isteach le d'iarratas?

Sa bhreis ar d'fhoirm iarratais agus ar leithligh uaidh, le bheith incháilithe le haghaidh measúnú ar mhaoiniú faoi Scéim Spás Oibre na nAmharc-ealaíontóirí, **caithfidh** tú an t-ábhar tacaíochta seo a leanas a chur isteach **ar líne**:

- Caithfidh tú cóip nó fianaise ar do **chomhaontú tionachta/léasa don spás oibre** i gcomhair 2021 a chur ar fáil (e.g. comhaontú tionachta foirmiúil nó litir comhaontaithe ón tiarna talún)
- **Cúig íomhá ar a mhéad** den spás oibre (tabhair faoi deara nach gcaithfidh na híomhánna seo a bheith ar chaighdeán gairmiúil – ach, ní mór dóibh an spás oibre a thaispeáint go soiléir agus fianaise a thabhairt ar na háiseanna atá ann). Ba cheart foscríbhinn a chur faoi gach íomhá a mhíniú a bhfuil le feiceáil ann.
- **Maidir le spásanna oibre a bhfuil níos mó ná fiche duine ina mball iontu (e.g. stiúideonna priontála etc.),** caithfear liosta eile a thabhairt de na baill uile mar aon le buaicphointí na ngníomhaíochtaí a rinne deichniúr ealaíontóirí ar a mhéad atá ina mball den spás oibre – e.g. taispeántais, tionscadail, for-rochtain, malartuithe, etc.
- **Maidir le gach spás oibre eile (i.e. spásanna a bhfuil fiche nó níos lú ná fiche ina mball iontu):** caithfidh tú liosta a thabhairt de bhuaicphointí na ngníomhaíochtaí a rinne deichniúr ealaíontóirí ar a mhéad atá ina mball den spás oibre agus caithfidh an liosta sin teacht le liosta na n-ealaíontóirí atá ina mball a cuireadh ar fáil i gcuid 4.6 den fhoirm iarratais
- **CV** mionsonraithe cothrom le dáta (trí leathanach ar a mhéad) do na daoine atá i mbun maoirsiú nó bainistiú ar an spás oibre
- **Liosta** de na háiseanna atá ar fáil do na healaíontóirí a úsáideann an spás oibre
- **Cur síos gairid ar aon acmhainní roinnte agus/nó seirbhísí forbartha** atá ar fáil do na healaíontóirí atá ina mball den spás oibre
- **Buiséad mionsonraithe ar leith** ina leagtar amach an t-ioncam agus an caiteachas a bheartaítear don spás oibre. **Tabhair faoi deara:** ní mór go mbeadh sé sin sa bhreis ar an bhfaisnéis bhuiséid a thugtar san fhoirm iarratais.
- **Fianaise dhoiciméadach ar aon chúnamh airgeadais** (in airgead tirim nó i gcomhchineál) a mhionsonraítear i mbuiséad do thogra.

**Tabhair faoi deara:** measfar go bhfuil d'iarratas neamh-incháilithe mura gcuirfidh tú an t-ábhar tacaíochta riachtanach isteach.

## 1.8 Incháilitheacht

Measfar go bhfuil d'iarratas **neamh-incháilithe** agus ní chuirfear é chun cinn go dtí an chéad chéim eile den phróiseas má bhaineann aon cheann de na rudaí seo a leanas leis:

1. Chuir tú an t-iarratas isteach i ndiaidh an spriocdháta.
2. Níor chomhlánaigh tú gach cuid den fhoirm iarratais a bhaineann le do thogra.
3. Níl tú incháilithe iarratas a dhéanamh faoi na critéir a leagtar amach i gcuid 1.2 agus i gcuid 1.4 thuas.
4. Chuir tú isteach ar mhéid maoinithe atá níos mó ná an t-uasmhéid a cheadaítear don dámhachtain ar a bhfuil iarratas á dhéanamh agat, faoi mar a leagtar amach i gcuid 1.5 thuas.
5. Chuir tú iarratas isteach le haghaidh gníomhaíochta nó cuspóra nach féidir iarratas a dhéanamh ina leith faoi mar a leagtar amach i gcuid 1.6 thuas.
6. Níor chuir tú gach ceann de na hábhair thacaíochta riachtanacha mar a leagtar amach i gcuid 1.7 thuas ar fáil.
7. Tá d'iarratas níos oiriúnaí do chlár maoinithe eile a thairgeann an Chomhairle Ealaíon nó gníomhaireacht maoinithe eile (cuirfimid an deis maoinithe níos oiriúnaí in iúl duit sa chás seo).

## Scéim Spás Oibre na nAmharc-ealaíontóirí, 2021: Treoirlínte d'Iarratasóirí

**Tabhair faoi deara:** sa chás go meastar go bhfuil d'iarratas neamh-incháilithe, ní dhéanfar measúnú air agus beidh tú incháilithe iarratas a dhéanamh leis an togra céanna i mbabhtaí maoinithe sa todhcháí. Ba cheart duit a chinntiú go gcomhlíonann tú na riachtanais incháilitheachta má chuireann tú isteach arís ar mhaoiniú eile.



## 2. D'iarratas a dhéanamh

---

### 2.1 Cláraigh le Seirbhísí ar Líne na Comhairle Ealaíon

Ní mór gach iarratas a dhéanamh trí Sheirbhísí ar Líne na Comhairle Ealaíon; ní ghlacfar le hiarratais a dhéanfar ar bhealach ar bith eile (sa phost, ar facs nó ar ríomhphost).

Ní mór go mbeadh cuntas Seirbhísí ar Líne agat chun iarratas a dhéanamh. Mura bhfuil cuntas Seirbhísí ar Líne agat cheana féin, cláraigh do chuntas tríd an bhfoirm chlárúcháin a chomhlánú anseo: <https://onlineservices.artscouncil.ie/register.aspx?&lang=gd-ge>.

Laistigh de chúig lá oibre seolfar ARN (uimhir thagartha ealaíontóra) uathúil agus pasfhocal chugat (i ríomhphost), agus beidh tú in ann úsáid a bhaint astu chun logáil isteach ar na Seirbhísí ar Líne.

#### Riachtanais maidir leis na Seirbhísí ar Líne a úsáid

Ní mór do do ríomhaire agus don bhrabhsálaí idirlín na riachtanais seo a leanas a chomhlíonadh ionas go n-oibreoidh na Seirbhísí ar Líne duit:

---

**Ríomhaire** Windows 7 nó níos déanaí  
le  
Internet Explorer 8.0 nó níos déanaí NÓ Firefox 27 nó níos déanaí NÓ Chrome  
33 nó níos déanaí

---

**Mac** Mac OS X v10.5 Leopard nó níos déanaí  
le  
Safari 3.1 nó Safari 10 NÓ Firefox 27 nó níos déanaí NÓ Chrome 32 nó níos  
déanaí  
**Tabhair faoi deara:** má choisceann Safari 11 uaslódáil cáipéisí, uasghrádaigh  
brabhsálaí Safari, nó úsáid Firefox nó Chrome

---

**Tabhair faoi deara:** ní mór go mbeadh Microsoft Word nó OpenOffice Writer ar an ríomhaire freisin chun an fhoirm iarratais féin a chomhlánú. Bogearraí saor in aisce é OpenOffice Writer is féidir a íoslódáil anseo: <http://www.openoffice.org>.

#### Ní mór duit leagan OpenOffice Writer 4.0.1 nó níos túisce a úsáid.

Nuair a úsáideadh leaganacha níos déanaí de OpenOffice Writer ná 4.0.1 bhí fadhbanna leis an gcuma a bhí ar na foirmeacha iarratais nuair a cuireadh isteach trí na seirbhísí ar líne iad.

Féach ar fhíseán na Comhairle Ealaíon *Using OpenOffice to download, complete and upload the application form* ag <https://www.youtube.com/user/ArtsCouncilDemos>.

Ba cheart d'úsáideoirí Apple Mac aird a thabhairt ar an gcuid a phléann leis an leagan 4.0.1 a íoslódáil ar Apple Mac a bhfuil na leaganacha is déanaí de Mac OS suiteáilte orthu.

**Tabhair faoi deara:** i gcomhair MacOS 10.15 Catalina, iarrtar ort OpenOffice Writer 4.1.7. a úsáid.

Mura féidir leat aon cheann de na riachtanais sin a chomhlíonadh nó mura dtuigeann tú iad, téigh i dteagmháil linn le comhairle a fháil chomh luath agus is féidir leat roimh an spriocdháta.

#### Fág do dhóthain ama agat féin chun an t-iarratas a chomhlánú

Ba cheart duit eolas a chur ar shuíomh gréasáin na Seirbhísí ar Líne tamall maith roimh an spriocdháta agus roimh duit iarratas a ullmhú. Is dócha go mbeidh an-chuid cuairteoirí ar an

## Scéim Spás Oibre na nAmharc-ealaíontóirí, 2021: Treoiríníte d'Iarratasóirí

suíomh tráthnóna an spriocdháta. Ba cheart duit d'fhoirm iarratais a ullmhú agus a chur isteach tamall maith roimh an spriocdháta.

D'fhéadfadh an t-am uaslódála a bheith i bhfad níos faide ná an t-am íoslódála. D'fhéadfadh sé go dtógfadh sé níos faide ná mar a cheapfá d'ábhar tacaíochta a uaslódáil.

### Tacaíocht theicniúil a fháil

Má bhíonn tacaíocht theicniúil uait agus iarratas ar líne á dhéanamh agat, is féidir leat dul i dteagmháil leis an gComhairle Ealaíon ach ríomhphost a sheoladh chuig [onlineservices@artscouncil.ie](mailto:onlineservices@artscouncil.ie) nó trí ghlaoch a chur ar 01 6180200. Molaimid duit aon deacrachtaí teicniúla a thuairisciú dúinn **tamall maith roimh an spriocdháta**. Tabhair uimhir ghutháin agus déan cinnte go bhfuil tú ar fáil chun glaoch uainn a fhreagairt.

Déileáilimid le fiosruithe ar bhonn tús freastail ar an gceann is túisce.

Cuimhnigh go ndéantar anrud glaonna ag druidim leis an spriocdháta agus go mb'fhéidir nach réiteofar glaonna i dtaobh tacaíocht theicniúil a gheofar tar éis 2.30pm ar an dáta deiridh roimh an spriocdháta.

## 2.2 Líon isteach an fhoirm iarratais

Mura bhfuil sé seo déanta agat cheana féin, íoslódáil an fhoirm iarratais don scéim. Is cáipéis atá comhoiriúnach le Microsoft Word/OpenOffice Writer í an fhoirm iarratais, a chomhlánóidh tú as líne (ar do ríomhaire féin). Tugtar treoir ar an bhfoirm iarratais maidir le conas gach cuid den fhoirm a líonadh isteach.

### Do chás a chur i láthair

Chun an cás is fearr a chur i láthair maidir le cén fáth ar cheart duit maoiniú a fháil, ba cheart duit breithniú an-chúramach a dhéanamh ar cad a chuirfidh tú ar áireamh sna codanna seo a leanas den fhoirm:

<b>2.2 Ráiteas misin an spáis oibre</b>	Luaigh go soiléir ráiteas misin do do spás oibre anseo ag cur síos ar d'éiteas agus ar d'uaimhianta. Is ráiteas uileghabhálach treorach é seo do do spás oibre.
<b>3.1 Achoimre ar do thogra do do spás oibre</b>	Tabhair achoimre ar chuspóir d'iarratais agus na príomhghnéithe a bhfuil tacaíocht á lorg agat ina leith (suas le trí phointe ghairide le hurchair). Má éiríonn le d'iarratas, foilseofar an achoimre seo ar na leathanaigh <b>Cé atá Maoinithe againn</b> ar shuíomh gréasáin na Comhairle Ealaíon – ar an ábhar sin, ba cheart duit a mheabhrú go bhféadfadh an pobal an méid a scríobhann tú a léamh.
<b>4.1 Sonraí faoi do thogra</b>	Cuid lárnach de do thogra is ea an méid a scríobhfaidh tú anseo agus ba cheart go gcabhródh sé leis na daoine a mbeidh baint acu le measúnú a dhéanamh ar d'iarratas tuiscint a fháil ar an rud is mian leat a dhéanamh, cén chaoi agus cén fáth. D'fhéadfaí go n-áirítear iontrálaithe mar seo:  Míniú praiticiúil ar na tacaíochtaí agus na háiseanna a bhfuil maoiniú á lorg agat ina leith, do chuid spriocanna, an mór-chomhthéacs ina bhfuil tú ag déanamh an togra, agus aon fhaisnéis eile a mheasann tú a bheith ábhartha.
<b>4.2 D'iarratas agus na critéir mheasúnaithe</b>	Déan cur síos ar an dóigh a gcomhlíonann d'iarratas gach ceann de na critéir mheasúnaithe – féach ar chuid <b>3.3 Critéir</b>

---

**chun iarratais a mheasúnú** atá sna treoirlínte thíos.

---

**4.5 Gníomhaíochtaí na n-ealaíontóirí/na mball**

**Maidir le spásanna oibre a bhfuil níos mó ná fiche duine ina mball iontu (e.g. stiúideonna priontála etc.),** caithfear liosta eile a thabhairt de na baill mar aon le buaicphointí na ngníomhaíochtaí a rinne deichniúr ealaíontóirí ar a mhéad atá ina mball den spás oibre (e.g. taispeántais, tionscadail, for-rochtain, malartuithe, etc.). Caithfear an liosta sin a uaslódáil mar chuid de do cháipéisí tacaíochta.

**Maidir le gach spás oibre eile (i.e. spásanna a bhfuil fiche nó níos lú ná fiche ina mball iontu):** caithfear liosta iomlán de bhaill an stiúideo agus a ndisciplíní/gcleachtais a chur ar fáil. Lena chois sin, caithfear liosta a thabhairt de bhuaicphointí na ngníomhaíochtaí a rinne deichniúr ealaíontóirí ar a mhéad atá ina mball den spás oibre. Caithfear an liosta sin a uaslódáil mar chuid de do cháipéisí tacaíochta.

---

**4.6 Bainistíocht áitíochta**

Ba ceart duit faisnéis ar an gcaoi a bhfógraíonn tú folúntais bhall, na cineálacha comhaontuithe tionóntachta a chuireann tú ar fáil (e.g. i gcomhair tionscadal ar leith, gearrthearma, fadtearma), agus an próiseas roghnúcháin a úsáidtear chun cinneadh a dhéanamh ar na daoine a dtairgfear spás i do spás oibre dóibh a chur san áireamh anseo.

---

**4.8 An gá ar leith don soláthar seo i do cheantar**

Cur síos ar an bhfáth a bhfuil gá ar leith le do spás oibre i do cheantar. Féadfar tagairt a dhéanamh anseo do líon na n-amharc-ealaíontóirí a oibríonn i do cheantar agus conas a d'fhéadfadh do spás oibre freastal ar an éileamh sin. Is féidir léargas a thabhairt ar riachtanais na n-amharc-ealaíontóirí maidir le héileamh ar threalamh, áiseanna léiriúcháin agus riachtanais a bhaineann le cleachtais ar leith, etc. Féadfar tagairt a dhéanamh do sholáthar agus tacaíocht eile d'amharc-ealaíontóirí eile atá i do cheantar agus conas a bhaineann siad sin le do spás oibre.

---

**2.3 Ullmhaigh aon ábhar tacaíochta atá riachtanach don iarratas**

Ní mór duit ábhar tacaíochta a chur isteach le d'iarratas. Féach ar chuid **1.7 Cén t-ábhar tacaíochta nach mór duit a chur isteach le d'iarratas?**

Ní mór duit an t-ábhar tacaíochta uile den sórt sin a chur isteach ar líne; ba cheart duit, más gá, ábhar a scanadh nó a shábháil i bhformáid leictreonach.

**Na formáidí comhaid a nglactar leo**

Liostaítear sa tábla seo a leanas na formáidí comhaid atá inghlactha mar chuid d'iarratas.

---

<b>Cineál comhaid</b>	<b>Iarmhír comhadainm</b>
téacscomhaid	.rtf/.doc/.docx/.txt
comhaid íomhá	.jpg/.gif/.tiff/.png

---

---

comhaid fuaimne	.wav/.mp3/.m4a
comhaid físe	.avi/.mov/.mp4
scarbhileoga	.xls/.xlsx
Comhaid Adobe Acrobat Reader	.pdf

---

Ar mhaithe le háisiúlacht, bailigh le chéile na comhaid go léir a theastóidh uait in áit inrochtana ar do ríomhaire.

### Naisc YouTube a chur isteach

Féadfaidh tú naisc a chur ar fáil chuig ábhar atá á óstáil ar YouTube ([www.youtube.com](http://www.youtube.com)) seachas an t-ábhar a uaslódáil go díreach. Chun é sin a dhéanamh, cóipeáil an URL (seoladh iomlán na háite ina bhfuil d'ábhar á óstáil ar YouTube) isteach i gcáipéis Microsoft Word nó OpenOffice Writer agus uaslódáil í mar cháipéis tacaíochta ina bhfuil nasc gréasáin.

**Tabhair faoi deara:** ní mór go mbeadh aon naisc a chuireann tú ar fáil á n-óstáil ar YouTube. Ní fhéachfar ar naisc le suíomhanna eile óstála gréasáin.

Seiceáil go n-oibríonn an nasc ó laistigh den cháipéis a uaslódáil tú – i.e., go nascann sé i gceart le d'ábhar ar YouTube.

Mura mian leat go mbeadh ábhar a uaslódálann tú chuig YouTube chun críoche d'iarratais le feiceáil go poiblí, féadfaidh tú d'fhiseán a ainmniú mar cheann 'neamhliostaithe' sna socruithe.

### Comhaid a ainmniú go cuí

Maidir le gach comhad a bhfuil sé ar intinn agat é a uaslódáil, tabhair comhadainm air a léiríonn go soiléir cad atá ann nó cad a léirítear leis. Mar shampla ba cheart go mbeadh sé soiléir ó ainm an chomhaid cibé an CV, téacs samplach nó léirmheas ar shaothar roimhe seo atá sa cháipéis.

Cuir cáipéisí tacaíochta isteach i gcomhaid ar leith atá ainmnithe go cuí.

---

Ainmneacha maithe le tabhairt ar chomhaid i gcás iarratasóra darb ainm Jack Russell	russelljack iarratas.doc russelljack obair idir lámha.doc russelljack nasc youtube.doc
---	--

---

Is é **40 MB** an t-uasmhéid iomlán maidir leis an ábhar tacaíochta ar fad a uaslódáiltear le hiarratas amháin.

## 2.4 D'iarratas a dhéanamh ar líne

Chun d'iarratas a chur isteach ar líne, ní mór duit dul trí cheithre phríomhchéim. Cliceáil ar **Sábháil dréacht** ag deireadh gach céime. Is féidir leat teacht ar ais chuig d'iarratas agus é a athbhreithniú tráth ar bith sula gcuirfidh tú isteach ar deireadh é.

### 1. Roghnaigh clár maoinithe agus íoslódáil an fhoirm iarratais

Chun tús a chur le hiarratas nua, cliceáil ar an gcaipse **Déan iarratas** ar do leathanach baile, agus lean na leideanna chun an clár cuí maoinithe a roghnú agus chun uimhir uathúil thagartha a thabhairt do d'iarratas, trína n-aithneofar é. Ag an gcéim seo, is féidir leat an fhoirm iarratais a íoslódáil freisin (mura bhfuil sé sin déanta agat cheana féin).

### 2. Iarr méid an mhaoinithe

Ag an gcéim seo, sonrúidh tú an caiteachas agus an t-ioncam a bhaineann le do thogra, agus méid an mhaoinithe atá á iarraidh agat. Ba cheart go mbeadh na figiúirí deiridh a iontrálann

tú anseo díreach cosúil leo siúd a iontrálann tú i gcuid 5 den fhoirm iarratais agus i do bhuiséad mionsonraithe.

**Tabhair faoi deara:** ba cheart go n-áireofaí in ioncam iomlán an méid atá á iarraidh ón gComhairle Ealaíon.

### 3. Uaslódáil an fhoirm iarratais agus an t-ábhar tacaíochta

Lean na leideanna chun d'fhoirm iarratais atá comhlánaithe agus sábháilte, an cur síos ar do spás oibre, agus aon ábhar **riachtanach** agus/nó ábhar tacaíochta eile a uaslódáil (féach ar chuid **1.7 Cén t-ábhar tacaíochta nach mór duit a chur isteach le d'iarratas?**). Ní gá duit gach rud a uaslódáil ag an am céanna. Is féidir leat d'iarratas a shábháil mar dhréacht, agus teacht ar ais chuige níos déanaí.

### 4. Seol an t-iarratas

Nuair a bheidh tú sásta go bhfuil gach rud atá de dhíth chun tacú le d'iarratas uaslódáilte agat, cliceáil **Cuir isteach**.

Ní féidir an t-iarratas a athrú tar éis é a chur isteach. Ná cuir an t-iarratas isteach go dtí go mbeidh tú iomlán sásta leis.

Ba cheart go bhfaighfeá dhá ríomhphost ina dhiaidh sin. Eiseofar an chéad cheann láithreach bonn nuair a gheobhaidh an Chomhairle Ealaíon d'iarratas. D'fhéadfá an dara ceann a fháil cúpla nóiméad ina dhiaidh sin agus d'uimhir iarratais ann, a úsáidfear i ngach comhfhreagras a bhainfidh leis an iarratas seo. **Tabhair faoi deara:** tá sé tábhachtach go rachfá i dteagmháil le [onlineservices@artscouncil.ie](mailto:onlineservices@artscouncil.ie) mura bhfaigheann tú an dara ríomhphost deimhnithe ina mbeidh an uimhir iarratais.

## 3. Próiseáil agus measúnú na n-iarratas

---

### 3.1 Forbhreathnú

Déanann an Chomhairle Ealaíon gach iarratas a mheas, tugann sí breith orthu agus cuireann sí a breith in iúl do na hiarratasóirí de réir na nósanna imeachta atá leagtha síos. Is é an aidhm atá ann a chinntiú go bhfuil córas cothrom trédhearcach ann maidir le dámhachtainí a bhronnadh.

### 3.2 An próiseas measúnaithe

Déanann an Chomhairle Ealaíon gach iarratas a fhaightear a phróiseáil mar seo a leanas:

- 1 Déantar an t-iarratas a admháil.
- 2 Seiceáiltear cáilitheacht an iarratais – cuirtear gach iarratas incháilithe ar aghaidh chuig an gcéim mheasúnaithe.
- 3 Déanann comhairleoir(i) agus/nó baill foirne measúnú scríofa ar an iarratas agus tugann an coiste feidhmiúcháin scór dó ina dhiaidh sin.
- 4 Déanann an feidhmeannach athbhreithniú ar na hiarratais go léir agus ar na moltaí, agus déantar cinntí bunaithe ar na scóir sin.
- 5 Téann moltaí ar aghaidh chun na Comhairle le haghaidh cinnidh.
- 6 Cuirtear na cinntí in iúl do na hiarratasóirí i scríbhinn.

### Achar ama

Déanann an Chomhairle Ealaíon dianiarracht iarratais a mheasúnú chomh tapa agus is féidir ach mar gheall ar líon na n-iarratas agus ar an bpróiseas dianmheasúnaithe, tógfaidh sé thart ar 12 sheachtain ón spriocdháta go dtí go ndéanfar an cinneadh.

### 3.3 Critéir chun iarratais a mheasúnú

- **Leibhéal na gníomhaíochta**

Fianaise go mbíonn páirt ghníomhach ag ealaíontóirí ar baill iad i dtaispeántais, i gcláir agus i dtionscadail.
- **Tacaíocht ó ealaíontóirí atá ina mbaill**

Fianaise ar a mhéad a bhfuil gá leis an deontas beartaithe le cabhrú leis an spás oibre tacaíocht a thabhairt do na healaíontóirí atá ina mbaill de agus fianaise ar chaighdeán na dtacaíochtaí sin (áiseanna, coinníollacha agus/nó tacaíocht forbartha).
- **An gá ar leith don soláthar áirithe seo sa cheantar**

Fianaise ar an ngá ar leith don soláthar áirithe seo sa cheantar, ag tagairt, más cuí, d'eagraíochtaí comhchosúla eile i do cheantar
- **Rialachas agus bainistíocht**

Fianaise ar rialachas agus bainistíocht mhaith an spáis oibre, de réir mar is cuí de réir an scála (e.g. cuntas gairid ar an gcoiste nó ar an mbord agus ar an struchtúr bainistíochta cuí atá ann).
- **Indéantacht an bhuiséid**

Fianaise chuí ar chumas an spáis oibre na gníomhaíochtaí beartaithe a chur ar fáil taobh istigh de na pleananna buiséid a cuireadh ar fáil mar chuid den iarratas seo.

### 3.4 Próiseas scórála

Tabharfaidh an Chomhairle Ealaíon scór do gach iarratas a fhaightear do Scéim Spás Oibre na nAmharc-Ealaíontóirí, 2021. Tá sé beartaithe leis an gcóras scórála seo soiléireacht a chur ar fáil d'iarratasóirí faoin dóigh a ndéantar a n-iarratas a mheasúnú i gcoinne na gcritéar measúnaithe. Tugann na scóir léiriú ar a mhéid a cheaptar gur chomhlíon na hiarratais gach critéar.

Breithneoidh measúnóirí na hiarratais ag baint úsáid as a mbreithiúnas gairmiúil féin, bunaithe ar an bhfaisnéis a chuirfead ar fáil san iarratas, ar a n-eolas faoi do spás oibre, ar a n-eolas faoi thírdhreach na n-ealaíon i gcoitinne, agus ar an gcomhthéacs iomaíoch ina ndéantar na hiarratais ar fad a mheasúnú.

Féadfaidh na measúnóirí scór a bhronnadh i gcoinne na gcritéar go dtí an 0.5 is gaire.

Is iad seo a leanas na scóir a úsáidfear<sup>1</sup>:

Scór uimhriúil	Luach focal	Míniú
6	Go hlontach	Pléitear gach gné ábhartha den chritéar go cuimsitheach agus go sármhaith san iarratas. Níl easnaimh ar bith in aon chor ann. Coimeádtar an scór seo le haghaidh na ngnéithe is fearr ar fad de na hiarratais agus úsáidfear é go fórspárlach.
5.5		Ag barr 'Sármhaith'.
5	Sármhaith	Pléitear gach gné ábhartha den chritéar go sochreidte agus go rathúil san iarratas. Soláthraítear an fhaisnéis agus an fhianaise ar fad a theastaíonn agus níl buarthaí ná réimse laige ar bith ann.
4.5		Ag barr "Go hAn-Mhaith".
4	Go hAn-Mhaith	Pléitear an critéar go han-mhaith san iarratas. Tugtar faisnéis shoiléir faoin bhfianaise a theastaíonn ann. Tá buarthaí agus réimsí laige ar bith fánach.
3.5		Ag barr 'Go Maith'.
3	Go maith	Pléitear an critéar go maith san iarratas, cé go bhféadfaí roinnt feabhsuithe a dhéanamh. Tugtar faisnéis ann ar gach gné den fhianaise a theastaíonn beagnach, cé go bhfuil roinnt bearnaí ann.

<sup>1</sup> Cuireadh na mínithe seo in oiriúint ó Threoir um Measúnú Tionscadail Chultúr na hEorpa Cruthaithí.

<b>2.5</b>		Idir “Maith go Leor” agus “Go Maith”
<b>2</b>	Maith go leor	Déantar plé leathan ar an gcritéar san iarratas, ach tá laigí ann. Tugtar faisnéis ábhartha ann, ach tá roinnt réimsí ann ina bhfuil sonraí in easnamh nó ina bhfuil an fhaisnéis doiléir.
<b>1.5</b>		Ag bun ‘Maith go leor’.
<b>1</b>	Go dona	Tá beagán fianaise nó faisnéis ábhartha san iarratas i gcomhthéacs an chritéir agus níl sé fíorláidir nó áititheach i gcomhthéacs maoiniú iomaíoch.
<b>0</b>	Easnamhach	Ní phléitear an critéar san iarratas nó ní féidir breithiúnas a thabhairt air mar gheall ar fhaisnéis ar iarraidh nó atá neamhiomlán.

### Cén bhaint atá ag scóir le tairiscintí ar mhaoiniú?

Beidh ról suntasach ag scóir maidir le tairiscintí a dhéanamh, agus cinnfidh na scóir sin na hiarratais a mholfar i gcomhair maoiniú. Léireoidh na méideanna maoiniúcháin a thairgfear an cineál buiséid a bhfuil an Chomhairle Ealaíon ag feidhmiú laistigh de. Léireoidh sé nádúr iomaíoch na scéime fosta.

Mar chuid dár bpróiseas leanúnach bainistíochta caidrimh, úsáidfear scóir chun bonn eolais a chur faoi phlé le spásanna oibre maidir le réimsí ina bhfuil siad ag déanamh go maith agus réimsí a d’fhéadfaí a fheabhsú. Ní thugaimid ainmneacha iarratasóirí eile nó ní chomhroinnimid faisnéis le hiarratasóirí faoi na scóir a bhain iarratasóirí eile amach.

### 3.5 Toradh na n-iarratas

Cuirtear gach iarratasóir ar an eolas i scríbhinn maidir le toradh a n-iarratas.

Má éiríonn le d’iarratas, cuirfear litir thairisceana chugat ina sonrúfar méid an mhaoinithe a bhronnfar ort agus téarmaí agus coinníollacha na dámhachtana. Inseofar duit freisin conas do dhámhachtain a tharraingt anuas.

Faigheann an Chomhairle Ealaíon líon mór iarratas, agus bíonn an t-éileamh ar mhaoiniú i gcónaí níos mó ná na hacmhainní a bhíonn ar fáil. Níl aon ghealltanais ann go mbronnfar dámhachtain mar gheall ar incháilitheacht agus ar chomhlíonadh nósanna imeachta iarratais amháin.

Níl iarratasóirí nach n-éireoidh leo incháilithe chun iarratas a dhéanamh ar dhámhachtain eile de chuid na Comhairle Ealaíon le tabhairt faoin ngníomhaíocht chéanna. Más dóigh leis an gComhairle Ealaíon go mbeadh an ghníomhaíocht atá beartaithe níos feiliúnaí do chlár dámhachtana eile is féidir eisceacht a dhéanamh. I gcás dá leithéid, cuirfear é sin in iúl duit i scríbhinn.

Féadfaidh tú aiseolas measúnaithe a iarraidh ó fhoireann na Comhairle Ealaíon.

### Achomhairc

Is féidir le hiarratasóirí cinneadh maoinithe a achomharc má mheasann siad gur sáraíodh nósanna imeachta foilsithe na Comhairle Ealaíon, nó gur cuireadh i bhfeidhm go héagórach iad nó nár cloíodh leo. Má mheasann tú nár cloíodh le nósanna imeachta na Comhairle



Spriocdháta: 5.30 pm, Déardaoin, 2 Iúil 2020

Ealaíon, breathnaigh ar an bpróiseas achomharc ar

<http://www.artscouncil.ie/ga/Maoiniu/Achomhairc/> nó téigh i dteagmháil leis an gComhairle

Ealaíon le haghaidh cóip den bhileog faisnéise faoin bpróiseas achomharc.